



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a **Creative Commons Attribution-NonCommercial
3.0 Unported** (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

3350

792


W-65

5767

45

3347

2110



2011

1086
ԴՐԱՄԱՏԻԳԱԿԱՆ ԹԱՏՐՈՆ:

792

Ա-65

ԲՈՎԱՆԴԱԿՈՒԹԻՒՆ

(MISPRITO)

(1975)
ՄԸԽԱՐԶԻՍ ԶՈՒՐՋԸ

80 ՕՐՈՒԱՅ ՄԷՋ

(„LE TOUR DU MONDE EN 80 JOURS“)

Հինգ գործողութիւնով, վերջաբանով եւ 15 պատկերներով

ՑԳԱԳՐՈՒԹԻՒՆ Վ. ՖՕՐԿԱՅՑԻ

Դէն է 10 էպէի

ԹԻՖԼԻՍ

Տպարան Մովսէս Վարդանեանի

1888

25888. 4.3.

ԳՈՐԾՈՂ ԱՆՁԻՆՔ

Ֆիլիոս Փօք—Անգղիացի

Պրոյտզ—Ֆրանսիացի

Ֆից—Անգլիացի

Արշիբալդ Կորսիկան—Ամերիկացի

Ֆլանգէն

Ստիւարտ

Թալֆ

Սիւլբան

«Արտակարգների Կլուբի» անդամներ,

Աուգա—Հնդկուհի

Նէմէա—Հնդկուհի

Նակագիրա—Մալայուհի

Մարգարիտա—Անգլուհի

Կրոմարտի—Նաւապետ

Պարս

Մուստաֆա—Սուլթան Նահապետ

Բրամինների առաջնորդ

Անգլիական մագիստրատ

Պալինների առաջնորդ

Հնդիկ պալին

1) Երկաթուղու գծի պահպաններ
2)

Տեղեկագրափետ

Կաֆէ-Բեստորանի տէրը

Մաշինիստ

Նաւապետի օգնական

Կանգնակտոր

Մալայուհի

Հնդիկ մատրոսներ, Բրամիններ, Ֆակիրներ, «արտակարգների Կլուբի» անդամներ, երկաթուղու ծառայողներ, Գուսաններ, Մալայուհիներ, ստրուկներ, ստրկուհիներ, օձերի դիւթիչներ, Վէնգէրչիներ, ֆէլահներ, նեգրեր, թուրքեր յոյներ, սլաւոններ, ուկրաինացիներ, անգղիացիներ, պարսիկներ, ամերիկացիներ, ֆրանսիացիներ, արաբացիներ, հրէից նուրիական և այլն ցեղեր:

Доз. ценз. Тифлисъ, 12-го Апрѣля, 1888 г.

Тип. М. Вартанянца, Троиц. пер. домъ № 11.

5439-56



2004

Ա. ՏԵՍԱՐԱՆ

Մի միլիոնի գրազ.

Դեկտեմբերի անդամացնում է «Արտակարգ մարդկանց կլուբը» Լոնդոնում: Պէտք է նկատել, որ, այդ ճշմարիտ արտակարգ հաստատութեան անդամներ կարող են լինել միայն այն անձինք, որոնք յայտնի են կեանքի մէջ իրենց ծայրահեղ արտակարգ բնաւորութիւնով: Բացի դրանից, անհրաժեշտ է որ նրանք լինեն բարձր ծագումից եւ մեծ հարստութեան տէր: Թէ որքան մանրակրկիտ են այդ արտակարգ մարդկանց կլուբի անդամները, նոր անդամ ընդունելու ժամանակ, կարելի է հասկանալ՝ հետեւեալ փաստից:—Մի ամերիկացի Արշիբալդ Կորսիկան անունով կամենում է դառնալ արտակարգ մարդկանց կլուբի անդամ եւ մի արտաքոյ կարգի քաջութիւն արած լինելու համար՝ նա դէպի յետ քայլելով պտտում է ամբողջ Կարմիր ծովի չորս կողմը. բայց կլուբի պարոն անդամները այդ կամաւոր չարչարանքին մի առանձին նշանակութիւն չեն տալիս եւ ի նկատի ունելով, որ Միացեալ Նահանգների քաղաքացի Կորսիկանի անորոշ ծագումը փակում է նրա առաջ «արտակարգների կլուբի» դռները, նրան մերժում են: Այդ միջոցին ի միջի այլոց խօսք է ընկնում այդ օրերում անգլիական մի բանկից գողացուած 2,000,000 ֆրանկ գումարի մասին: Բանկը խոստացել է գողը բռնողին տալ իբրեւ վարձատրութիւն այդ գումարի 10%, այսինքն 200,000 ֆրանկ: Անդամներից մի քանիսը հաստատում են, որ գողը բռնելը այնքան էլ հեշտ չէ, որովհետեւ աշխարհս շատ մեծ է եւ նրա վրայ գողը միշտ ծածկուելու տեղ կ'գտնի, մանաւանդ երբ այդքան փող ունի գրպանում: Բայց անդամներից մինը, Թիլիաս Յօգ անու-

նով, նկատում է, թէ՛ ճշմարիտ է առաջ աշխարհը շատ մեծ էր, բայց այժմ «մեծ» խօսքի գործածութիւնն ուղիղ չէ, շնորհիւ այն կատարեալգործուած հաղորդակցութիւնների, որոնց միջոցով կարելի է պտտել ամբողջ աշխարհի շուրջը 80 օրուան մէջ:

Այս մասին վէճ է ծագում անդամների եւ Յօգի մէջ ու վերջանում է նրանով, որ գրազ են գալիս 1,000,000 ֆրանկով: Այս դէպքը պատահում է կիւրակէ օրը, դեկտեմբերի 21-ին, ժամն իննին երեկոյեան: Յօգ, իսկոյն ուղարկում է իր Գաղղիացի ծառայի ետեւից, որ նոր էր մտել իրա մօտ, եւ հրամայում է նրան պատրաստուել ճանապարհ ընկնելու: Գաղղիացի ծառան—Պրօլազը լաւ վարձատրութիւնից գրաւուած, վճռում է ընկերանալ իր պարոնին ճանապարհորդութեան ժամանակ եւ հէնց միեւնոյն երեկոյեան ժամն 9-ին նրանք ճանապարհ են ընկնում Լոնդօնից:

2. ՏԵՍԱՐԱՆ

Եղիպտոս.

Դեկտեմբերի անդամացնում է Սուէզի ջրանցքի ափը եւ նաւահանգիստ: Ժողովրդի ահագին բազմութիւն խռնուած է ջրանցքի ափում եւ սպասում է «Մօնօլիա» նաւի գալուն, որի վրայ պէտք է գան Յօգ ու Պրօլազ: Նաւին սպասողների մէջ իրենց վրայ առանձին ուշադրութիւն են դարձնում գաղտնի պօլիցիական Ֆից, որն ուղարկուած էր գտնելու թէ գողը եւ թէ 2,000,000 ֆրանկը (Ֆից ենթադրելով թէ գողն այդ ճարապարհով փախչում է ամերիկա, անհամբեր սպասում էր նաւի հասնելուն) եւ ամերիկացի Կորսիկան, որին սեւացրել էին «արտակարգների կլուբում», սա էլ սպասում էր նաւի գալուն, որ իմանայ թէ արդեօք ընտրուած է կլուբի անդամ, թէ ոչ: Վերջապէս նաւը մօտենում է նաւա-

Հանգստին: Նրա վրայից իջնում են Պերուացիք, անգղիացիք, ֆելլահներ, թուրքեր, իսպանացիք, ամերիկացիք, յոյներ, սլաւոններ, խափշիկներ, արաբացիք, մալայացիք, հնդիկներ, ֆրանսիացիք եւ այլն. դրանց հետ էլ Թօգ եւ Պրօլազ: Պրօլազը դիմում է առաջին պատահած մարդուն եւ խնդրում է նրանից Կօնստանդուպոլիս տունը ցոյց տալ: Այս առաջին պատահող մարդը Ֆիցն է, որը նայելով Թօգի անցագրին, բոլորովին շուարում է նկատելով այն նմանութիւնը, որն ունի Թօգը իր փնտռած գողի հետ: Ֆից խսկոյն հեռագրում է Լօնդօն, որ իրեն իրաւունք տան Թօգին ձերբակալել եւ միեւնոյն ժամանակ նրան աչքից չձգելու համար վճռում է գրնալ նրա ետեւից:

Ամերիկացի Կօրսիկան տեղեկանալով, որ իրեն կլուքի անգամ չեն ընդունել եւ իմանալով որ դրա պատճառը Թօգ անունով մէկն է, հրաւիրում է նրան մենամարտի. մենամարտն անյաջող է անցնում Կօրսիկանի համար.— Թօգ վիրաւորում է նրա ձեռքը: Նա դրանից աւելի կատաղում է եւ վճռում՝ հետեւել Թօգին այնքան, մինչեւ որ նրան սպանի: Այդպիսով Թօգի համար երկու նոր ճանապարհի ընկերներ են աւելանում, այն է— Ֆից եւ Կօրսիկան: Եոգենաւը ճանապարհ է ընկնում դէպի Հնդկաստան:

3. ՏԵՍԱՐԱՆ

Հնդկաստան.

Դեկտեմբերի անդամացնում է Հնդկի բնակարան, հրնդիլը փարս ցեղից է, այստեղ թագնուած է երիտասարդ հնդկուհի Աուդան, Բրամինների հալածանքից, որոնք փրնտուում են նրան խարոյի վրայ այրելու համար, որովհետեւ փարսերի օրէնքով մեռելների դիակները այրվում են եւ կենդանի կինը ողջ ողջ այրվում է իր մեռած մարդու դիակի

հետ: Որքան որ նշանաւոր է եղել մարդը կենդանութեան ժամանակ, այնքան էլ փառաւոր եւ շքեղ կերպով է կատարվում այրելու հանդէսը: Եւ որովհետեւ Աուդան եղել է Բաջայի (հնդկների առաջնորդ) կին, այդ պատճառով նրան վիճակուած է այրուիլ շքեղ հանդիսով, ինչպէս մենք կը տեսնենք առաջիկայ գործողութեան մէջ: Պատահամբ գալիս են հասնում այդ խրճիին Թօգ եւ նրա հետեւողները: Բօմբայի եւ Կալկաթայի մէջ տեղ գտնուած կամուրջի քանդուելը նրանց հակադրել է ուրիշ ճանապարհ որոնել, որը շարունակելու համար նրանք պէտք է կառք գտնեն: Պրօլազի եռանդուն ջանքերը յաջողուել են. նա թէեւ կառք չէ գրոնում, բայց գտնում է փիղ այդ միեւնոյն խրճիի տիրոջ մօտ եւ գնում է նրան 50,000 ֆրանկով: Այդ ժամանակ Բրամինները Աուդայի հետքը գտնում են եւ բռնելով նրան տանում են, որպէս զի հետեւեալ առաւօտ այրեն: Թօգ եւ նրա հետեւողները, որոնք ականատես են այս տեսարանին, վրձուում են անպատճառ աղատել թշուառ Աուդային եւ հէնց այդ նպատակով ընկնում են Բրամինների ետեւից:

4. ՏԵՍԱՐԱՆ

Բաջայի այրի կնոջ այրելը Հնդկաստանում, թագաւորական գերեզմանատանը:

Դեկտեմբերի անդամացնում է հնդկական թագաւորական գերեզմանատունը, իրեն բոլոր մանրամասնութիւններով: Մէջ տեղը շինած է զոհի սեղան, որի վրայ պառկած է Բաջան, Աուդայի մեռած մարդը. զոհի սեղանի տակ խարոյկը պատրաստած է: Ահա երեւում է սրբազան հանդէսը Աուդայի ուղեկցութեամբ. առաջից գնում են ֆակիրներ, նրանց ետեւից զինուորներ սրբազան դրօշակներով, դրանց հետեւում են Բրամիններ շրջապատուած գուսաններով եւ մա-

նուկներով, որոնք նուիրուած են Բրամինի ծառայութեան: Յետոյ գալիս է զինուորական նուագաճութաների խումբը, դրանց ետեւից կրկին գուսաններ եւ մանկաւիկներ, որոնք փառաբանում են Բրահմինին սրբազան պարերով: Դրանց ետեւից ստրուկները կառքով բերում են Կալին-սիրոյ եւ մահուան չաստճուն, որը չորս ձեռք ունի, երկու գլուխ եւ ամբողջապէս ձուլուած է թանգագին մետաղներից, կուռքի չորս կողմը վազվզում են կիսամերկ մոլեռանգներ, զանազան ծամաճութիւններ են տնում, ծալծկում են ու կտրտում են իրենց մարմինները բռն զանալներով. միւսներն էլ իրենց ձեռքերը թաթախում են նրանց արիւնի մէջ եւ քսում են իրենց երեսին ինչպէս սրբութիւն. այդ մոլեռանգներին հետեւում են կրկին գուսաններ, դրօշակակիր զինուորներ, իշխաններ շքեղ զգեստաւորուած, արքայազներ, դրանց ետեւից իրանց կանայք եւ կանանց ետեւից ստրուկներ: Վերջապէս երեւում է փիղը, որի վրայ նստած է Աուգան. նրա երկու կողմից գալիս են ստրուկներ շքեղ հովանոցները ձեռներին, որով պահպանում են նրան արեգակից. դրանց հետեւում են երկու ստրուկներ, որոնց է յանձնուած Աուգայի վերջին հառաչները. դրանց էլ հետեւում են զինաւորները, որոնց մէջ կան եւ մահուան դրօշակակիրներ. յետոյ գալիս է ահագին ամբոյս հանդիսաւորների, շքեղ, փայլուն զգեստներով: Թափորը, այդ մոլեռանգութիւնը, զգեստները, փիղը, հանդիսի ամբողջ շքեղութիւնը մարդու աւամայ փոխադրում են երեւակայական աշխարհը: Թափորի վերջում Բրամինները սկսում են դիակներն այրելու հանդէսը: Սրբազան ջահն արդէն պատրաստ է բորբոքեցնել խարոյկը երբ յանկարծ մեռած Բաջան կենդանանում, կանգնում է խարոյկի վրայից (սա Պրօլադն է շորերը փոխած): Բոլոր ներկայ եղածները կրօնական սարսափով ծունր երեսի վրայ են ընկնում, հրաշք համարելով կատարուածը: Պրօլադը հանգիստ

կերպով դուրս է տանում Աուգային. Բրամիններից մէկը ուշքի գալով նրանց յետեւից է ընկնում, բայց այդտեղ ներկայ գտնուող Յօգի հրացանի գնդակը Բրամինին տեղն ու տեղը սպանում է:

ՏԵՍԱՐԱՆ 5.

Խուզարկու և ձերբակալութիւն.

Դեկտրացիան ներկայացնում է մի հիւրանոց Կալիաթայում: Յօգ, Կորսիկան եւ Պրօլադ արողութեամբ Աուգային յաւիշտակելով նրան իրանց հետ բերում են Կալիաթայ: Այդտեղ ապրում է Աուգայի մօտ եւ նրա քոյրը որը նոյնպէս այդ օրերում այրիացել էր եւ պէտք է ենթարկուի նոյն վիճակին, ինչ վիճակի որ ենթարկուել էր Աուգան: Յօգ եւ Կորսիկան վճռում են նրան էլ ազատել եւ տանել նրանց միասին Լօնդօն. բայց այդ ժամանակ երեւում է խուզարկու Ֆիցը Բրամինի հագուստով եւ ձերբակալում է Յօգին: Վերջինս առաջարկում է մագիստրատին փրկանք. նա նշանակում է 100,000 ֆրանկ: Յօգ վճարելով այդ գումարը ազատվում է ձերբակալութիւնից եւ իր ուղեկիցների հետ միասին անմիջապէս ուղեւորվում է Կալիաթայից «Ռանգաուտ» շոգենաւով: Խուզարկուն յուսահատուած, որ չկարողացաւ ձերբակալել Յօգին վճռում է էլի հետեւել նրան:

ՏԵՍԱՐԱՆ 6

Օձի քարայրը Բօրնէօ կղզու վրա, կամ օձերի կախարդութիւն:

Դեկտրացիան ներկայացնում է բնութեան մի քմածին վիճակի վրա, որն անուանվում «Օձերի սրբազան քարայրը»: Մի դժբաղդ դէպք բերում է այդտեղ Յօգին եւ նրա ըն-

կերներին: Նրանց շոգենաւը փոթորիկից քշուել է դէպի կղզին, որի վրա նրանք մի որեւէ բնակարան են մնտում: Տանջուած, սաստիկ շոգից դադրած, նրանք մտնում են քարայրը զովանալու: Փօգ եւ Կորսիկան թողնում են Առւգային եւ Նեմէին այդ քարայրի մէջ, իսկ իրենք գնում են աւելի յարմար բնակարան որոնելու: Պրօլազն էլ գնում է փայտ որոնելու խարոյկի համար, կանայք սպասում են նրանց վերադարձին, բայց դադրածութիւնից քունները տանում է եւ քնում են: Այդ միջոցին սկսում սարսափելի տեսարան, — քարայրի բոլոր ձեղքերից դուրս են սողում բազմաթիւ թիւնաւոր օձեր: Առւգան եւ իր քոյրը զարթնում են եւ սարսափած աղօթում են իրենց փրկութեան համար, Վիշապներից մին փաթաթվում է Առւգայի իրանքին եւ պատրաստ է նրան խեղդել բայց յանկարծ այդ վայրկեանին լսվում է օձերի կախարդուհի Նակագերայի աստուածային երգը. օձերը զմայլում են նրա մելօդական երգերից, սողում են նրա ոտի տակ եւ քնում: Գալիս են Փօգ. Կորսիկան. Փից եւ Պրօլազ:

ՏԵՍԱՐԱՆ 7

Կախարդների տօնը:

Դեկտրացիան ներկայացնում մի հոյակապ տաճար Բօրնէօ կղզու վրա, տաճարի ճարտարապետութիւնը օտարօտի է եւ նա շրջապատուած է արօպիքական բոյսերով. Տաճարը եւ նրա մէջ եղողները լուսաւորուած լուսնի լուսնով եւ սրանց զգեստները շողշում է: Նակագիրան, որ Առւգայի նախկին ստրուկն էր եւ ապա նրան աղատողն եղաւ օձերի քարայրում, նստած է գահի վրա, ինչպէս թագուհի. նրան շրջապատում են մալայ քուրմեր եւ քրմուհիք, միւսները պարում են նուագարանի վայրենի խաղով, Բօրնէօի ճաշակի համեմատ: Այդ

զմայլելի եւ վայրենի տօնախմբութեան ներկայ են Փօգ, Կորսիկան, Առւգա. Նէմէա եւ Պրօլազ, որոնց պատուով ճանապարհ են դնում ու նրանք ուղեւորվում են Ս—Փրանցիսկօ:

ՏԵՍԱՐԱՆ 8

Գաղանի պօլիցիայի գործակալը.

Դեկտրացիան ներկայացնում է Ս—Փրանցիսկոյի մի ճաշարան, որը ամերիկացիների սիրած տեղն է. այդտեղ 'ի միջի այլոց գտնվում է նաեւ խուզարկու Ֆիցը շորերը փոխած: Փօգը եւ նրա ճանապարհորդակիցները հասնելով Ս—Փրանցիսկօ, մտադրվում են անյապաղ շարունակել իրենց ճանապարհը Մեծ Ովկիանոսեան երկաթուղու գծով եւ այդ նպատակով յանձնում են Պրօլազին տոմսակներ գնել: Պրօլազը գալով ճաշարան այդտեղ պատահում է Ֆիցին, որը հարբեցնում է Պրօլազին, եւ գողանում է նրա մօտ գտնուած տոմսակների փողերը, յուսալով այդ կերպով ուշացնել Փօգին Ս—Փրանցիսկոյում, մինչեւ որ ինքը հրաման կստանայ Լօնդօնից նրան ձերբակալելու: Պրօլազն ուշքի գալով, նկատում է փողերի կորչիլը եւ յուսահատվում է. բայց խուզարկուի նենգամիտ ոստայնը ոչնչացնում է մեծահոգին Կորսիկան, տալով Պրօլազին այնքան փող, ինչքան հարկաւոր է տոմսակներ գնելու համար ու այդպիսով Փոգին ազատում է դժուար դրութիւնից: Յիմարացած խուզարկուն կրկին ծածուկ հետեւում է իր զոհին:

ՏԵՍԱՐԱՆ 9

Վայրենիների յարձակումը երկաթուղու գնացքի վրայ.

Դեկտրացիան ներկայացնում է Հիւսիսային Ամերիկայի անապատներից մինչեւ Ուտախի մօտ, որտեղ գտնվում են յայտնի կարմրակաշի պալին վայրենիների կատաղի խմբերը:

Այս անգամ պալլիսները կամենալով կողոպտել գնացքը կոտորել բոլոր ճանապարհորդներին, սպանում են Մեծ-Ուկի հանոսեան երկաթուղու բոլոր պահապաններին, ճանապարհը կտրում են ձիւնով, կտրտում են հեռագրի թելերը ու սպասելով գնացքի հասնելուն թաղնւում են: Կօնդուկտորը նկատելով որ ճանապարհը ձիւնով կտրած է մի լոկոմոտիվ է (շոգեկառք) է ուղարկում առաջուց, որ ճանապարհը մաքրեն: Լոկոմոտիվը գնում է ու ճանապարհը մաքրելով մի քանի րոպէից յետոյ վերադառնում է վագոնների մօտ, որպէս զի նրանց վերցնէ ու ճանապարհը ընկնէ: Շղթան կցելով վագոններին՝ լոկոմոտիվը կրկին ճանապարհ է ընկնում, բայց վագոնները մնում են, որովհետեւ այդ միջոցին հնդիկներն արդէն կոտորել էին վագոնի շղթաները: Այդ ժամանակ նրանք յարձակւում են վանդոնների վրա, սկսւում է արիւնահեղ կռիւ ճանապարհորդների ու հնդիկների մէջ եւ միայն ճանապարհորդների հրաձիգ զէնքերի շնորհիւ հնդիկները յաղթւում են եւ փախչում: Մաշինիստը նկատելով որ վագոնները չկան, վերադառնում է բայց այդ շփոթութեան ժամանակ պալլիսներն արդէն փախցրել են Աուդային եւ նէմէին: Փոք, Կորսիկան ու Պրօլաղ ժամանելով նրանց կորուստը մտնում են կրկին աղատել այդ թշուառներին եւ ընկնում են Պալլիսների ետեւից:

ՏԵՍԱՐԱՆ 10

Կռիւ վայրենիների հետ:

Գեկորացիան ներկայացնում է մի վայրենի տեղ Ամերիկայում «Հոկանների սանդուխք» անունով, բոլորովին ծածկուած ձիւնով ու սառուցով: Այդ սառցային թագաւորութեան մէջ հնդիկները թաղցրել են երեքն զոհերին: Կորսի-

կան ու իր ընկերները ամերիկացի ղինուորների հետ գալիս են հասնում այդտեղ: Այստեղ սկսւում է կատաղի կռիւ պալլիսների եւ ղինուորիների մէջ, սրանք հազիւ կարողանում են ազատել Աուդային եւ Նեմէայինայն էլ շնորհիւ Պրօլաղի ճարպիկ հրացանաձգութեան:

ՏԵՍԱՐԱՆ 11

Ատլանտեան Ովկիանոսում:

Գեկորացիան ներկայացնում է «Ս. Գէնրիէտ» նաւի ներքնայատակը. Փօք, Կորսիկան, Աուդա եւ Նեմէա նստած են նախաճաշակի, օրը պատրաստում է խոհարարները որն ուրիշ մարդ չէ եթէ ոչ շորերը փոխած ու ներկուած խուզարկու Ֆիցը. Պրօլաղը ոյժով խլում է նրանից, նրա գողացած փողերը: Այդ միեւնոյն նաւի վրա նա հանդիպում է իր նշտնած Մարգարիտային. օրը մոնում է աղախին Գուդայ ու Նէմէայի մօտ: Պէտք է ասել որ այս բոլոր պատահած դէպքերը արգելք եղան Փօքին գալ Նիւեօրք այնպէս որ հասնէ Լօնդոն ուղեւորող նաւին, հէնց այդ պատճառով նա տոմսակ վերցրաւ «Ս. Գէնրիէտ» նաւի վրա, որն ուղեւորվում էր Բօրօ: Տտապելով համաձայն գրազին Լօնդոն հասնել նշանակուած օրը նա ստնում է «Գէնրիէտ» նաւը եւ Բօրօյի փոխանակ նաւն ուղղում է դէպի Լիվերպուլ անգլիական հողի վրա:

ՏԵՍԱՐԱՆ 12

«Ս. Գէնրիէտ» նաւի պայթումը և կորուստը:

Գեկորացիան ներկայացնում է արձակ ծով, որի վրա լողում է շոգենաւը. իր բնական մեծութեամբ, նաւի վրա

գտնվում են մօտ հարիւր մարդ եւ այս բոլոր գործողութիւնը կատարւում է Ս. «Գէներիէտ» ի վերնայատակի վրայ: Փոգ եւ Կորսիկան իրանց վրա են առել նաւի կառավարութիւնը եւ պատահմամբ պատճառ են դարձել այն բոլոր դժբաղդութիւններին, որը մենք այժմ կտեսնենք: Որպէս զի հաշուած ժամանակին Լիվերպուլ հասնեն, նրանք հրամայել են վառել վառարանները որքան կարելի է շատ, եւ դեռ Լիվերպուլ հասնելու 50 լէն էր մնացած երբ վառելիքը հատաւ: Հրավառները հնազանդելով նաւի տիրոջ կամքին, վառեցին բոլոր ածուխը. երբ այդ էլ վերջանում է, Փոգը հրամայում է կոտրտել կայմը, կողքերը, ներքնայարկերը, միով բանիւ ինչ որ կարելի է վառել: Շոգիի կաթսան չէ դիմանում շոգիի չափազանց ոյժին եւ անչափաւոր քերմութիւնից տրաքում է: Մարդկանց սիրտ կտրտող աղաղակը խառնվում է կաթսայի տրաքոցի հետ, նաւը պայթում է եւ հանդիսատեսների աչքի առաջ գնում է ծովի յատակ:

ՏԵՍԱՐԱՆ 13

Անդունդի վրայ:

Դեկորացիան ներկայացնում է թանձր սեւ ամպեր, որոնք ծածկում են ծովը: Կամաց կամաց ամպը ծանծաղանում է եւ երեւում են Փոգ, Պրօլազ ու Ֆից, որոնք մրցում են ալիքների հետ «Ս. Գէներիէտ» նաւի փշրանքների վրա: Հեռուն երեւում է լուսաւորուած Լիվերպուլ քաղաքը:

ՏԵՍԱՐԱՆ 14

Դրազը կորած է

Դեկորացիան ներկայացնում է հիւրանոց Լիվերպուլում: Ալիքները դուրս են ձգել ափը Փոգին եւ Պրօլազին: Փոգը

այդ օրը իր աշխարհի շուրջը պտտելու յիշատակարանին մէջ նշանակում է 80 երրորդ օրը. ուրեմն նա գրազը տանուլ է տուել. ժամանակը լրացել է Լիվերպուլում: Ինչպէս ազնիւ Ջէներլմէն, Փոգը դնում է ծրարի մէջ մի 1,000,000 ֆրանք եւ ուղարկում է Պրօլազին որ այդ փողերը ձգէ փոշտը Լօնդօն, «արտակարգների կլուբ» անունով. Պրօլազը գալով փոշտը փակած է գտնում եւ դուրս է գալիս, որ նրանց Լիվերպուլ հասած օրը Կիւրակէ է եւ ոչ թէ Երկուշաբթի, ինչպէս նշանակուած է Փոգի յիշատակարանում: Պրօլազը վազում է իր տիրօջը ուրախ լուր հաղորդելու: Փոգ հաշուելով ժամերն ու րոպէները գալիս է հետեւեալ եղրակացութեան. — Նա ճանապարհ է ընկել պտտելու աշխարհի շուրջը արեւմուտքից դէպի արեւելք, միշտ գնացել է արեգակի դէմ, հետեւաբար իւրաքանչիւր օր ամեն մի անցած աստիճանի հետ օրը 4 րոպէ պակասել է. եւ որովհետեւ 360 գրադուս է գնացել ուրեմն պակասել 14 40 րոպէ որ կանէ 24 ժամ: Աւելի պարզ ասել Փոգ հանդիպում էր արեգակին Լիվերպուլում 80 երրորդ անգամ իսկ Լօնդօնի եւ Լիվերպուլի բնակիչները միայն 79 անգամ: Ուրախացած այսպիսի մի անպսասելի գիւտով, նրանք իսկոյն ճանապարհ են ընկնում Լօնդօն, բայց այդ միջոցին վրա է հասնում Ֆից եւ յայտնում է Փոգին, որ ինքը Ֆիցը իրաւունք ունի նրան բանտարկել իբրեւ գողի, որն արդէն գտնվում է անգլիական հողի վրա. բայց այստեղ էլ մեծահոգի ամերիկացի Սրբիբալդ Կորսիկանը աղատում է Փոգին:

ՏԵՍԱՐԱՆ 15

Տօն «արտակարգների կլուբում»

Դեկորացիան ներկայացնում է փառաւոր ու շքեղ զարդարուած դահլիճներ «արտակարգների կլուբում». դահլիճները

լիքն են անդամներով, որոնք խօսում են այն գրադի մասին,
որն իրենք արել են Փոգի հետ եւ որն այնքան աղմուկ է
պատճառել Լօնդօնում: Նայած բոլոր հանգամանքներին եւ
անդամների եզրակացութեան՝ պէտքէ որ իրենք տարած լի-
նին գրադը. փաստերը սրանք են. — Նաւը, որի վրա կարող
էր Փօգը գալ երեկ Նիւօրքից. հասել է արդէն երեկ, նրա
վրա եկողների մէջ Փօգի անունը չէ յիշվում: Լիվերպուլից
երկաթուղու գնացքը եկել է 7 ժամ 37 րոպէին, իսկ երկ-
րորդ գնացքը պէտք է գայ մի քանի ժամով անց գրադի
նշանակած ժամից: Եթէ նա առաջինով եկած լինէր. այժմ
պէտքէ արդէն Նիւքում, գտնուէր որովհետեւ արդէն շուտով
9 ժամը կլինի. իսկ եթէ երկրորդով գայ, կուշանայ եւ գրադն
արդէն տարուած կլինի...



5439-56



0012363

2013



30 н. Кзылсуз. 98. Бүткө.

